

CNS5104  
R GB 10-10 00191 BA059  
bah

KERAJAAN AKAN SEDIA BIASISWA UNTUK SUKAN BERKUDA

Mahathir - Kuda

KUALA LUMPUR, 10 Okt (Bernama) -- Kerajaan akan mengadakan biasiswa dan bantuan kewangan bagi menggalakkan rakyat menceburi sukan berkuda untuk mencatatkan nama neyara pada peringkat antarabangsa, kata Datuk Seri Dr Mahathir **Mbhamd**.

Perdana Menteri berkata, pihak swasta juga boleh menyediakan galakan seumpama itu bagi mereka yang berbakat tetapi tidak mampu seperti penajaan yang diberikan dalam sukan-sukan lain.

Negara memerlukan ahli sukan berkuda (ekuin) yang cekap dan mampu bertanding pada peringkat antarabangsa, dan oleh itu ia harus ditonjolkan sebagai sukan yang terbuka kepada semua peringkat untuk mencungkil bakat-bakat baru, katanya ketika berucap merasmikan Bukit Kiara' Equestrian and Country Resort di Bukit Kiara, di sini, hari ini.

+Anggapan baha'wa sukan ekuin ini hanya untuk golongan berada semata-mata adalah tidak lagi benar dan perlulah dikikis. Ini adalah kerana sukan ekuin adalah satu sukan yang boleh dicubai oleh semua lapisan masyarakat, + katanya.

Seperti mana sukan badminton yang telah Jnengharurnkan nama negara dalam dunia sukan antarabangsa, katanya, adalah baik jika ekuin dijadikan salah satu sukan utama negara pada masa akan datang. -- Lagi

♥10/10/12-27MST

CNS5105  
R GB 10-10 00135 BA060

bah

Mahathir - Kuda 2 (Akhir) Kuala Lumpur

Memandangkan sukan itu tidak memerlukan tubuh badan yang besar dan tinggi, kemungkinan orang Malaysia mencapai kecemerlangan pada peringkat antarabangsa adalah cerah.

Dr Mahathir kernudian melancarkan penubuhan Majlis Ekuin Malaysia yang akan mengendalikan perkembangan serta penyelarasan sukan itu..

Beliauberharap 'majlis itu dapat meningkatkan lagi sambutan orang ramai terhadap' sukan ekuin dan melahirkan jaguh-jaguh bagi kejohanan peringkat kebangsaan dan antarabangsa.

Dr Mahathir memuji langkah Kelab Rekreasi Bukit Kiara itu menganjurkan pertunjukan dan siri kejohanan sukan ekuin sebagai inisiatif untuk memperkenalkan sukan itu dan memperlihatkan cara-cara menunggang kuda yang belum terdapat di Malaysia,

Katanya, pemilihan kelab itu sebagai tuan rumah bagi Lawn-Bowling bagi Sukan Komanwel 1998 merupakan peluang baik untuk menunjukkan kebolehan negara mengendalikan sukan antarabangsa. -- Bernama

♥10/10/12-29MST

R GB 10-10 00099 BA072

bah

Mahathir - Kuda 3 Kuala Lumpur (sambungan berita awal)

Ketika bercakap kepada pemberita kemudian, Dr Mahathir berkata walaupun sukan berkuda tidak disenaraikan dalam Sukan Komanwel 1998, Malaysia boleh menghantar peserta untuk acara itu dalam banyak kejohanan lain di peringkat antarabangsa.

Pengerusi jawatankuasa sementara Majlis Ekuin Malaysia, Datuk Seri Anwar Ibrahim berkata majlis itu, yang ditubuhkan atas inisiatif Perdana Menteri, akan berusaha mempopularkan sukan berkuda untuk seluruh rakyat.

Antara strategi utama Jnajlis itu ialah memastikan kemudahan sukan itu diperluaskan kepada belia dan pelajar, kata Anwar, yang juga Menteri Kewangan. -- Bernama

♥10/10/15-09MST